



# ANALIZA ANKETE



**MLADI MOGU IZGRADITI BOLJE DRUŠTVO**

Tuzla, April 2013

Podržano od strane

**B | T | D** The Balkan Trust  
for Democracy

A PROJECT OF THE GERMAN MARSHALL FUND



Helsinški Parlament Građana (hCa) Tuzla  
Helsinki Citizens' Assembly (hCa) Tuzla  
Omladinski resursni centar Tuzla  
Youth Resource Center Tuzla  
Hadži Bakirbega Tuzlića 1, 75000 Tuzla,  
Bosna i Hercegovina  
Tel/fax: ++387 35 258 077  
e-mail: hcatuzla@bih.net.ba, orctuzla@bih.net.ba



## ANALIZA ANKETE MLADI MOGU IZGRADITI BOLJE DRUŠTVO

U periodu od 11 februara do 24 februara 2013. godine, u okviru projekta "You(th) can make better local society!" („Mladi mogu izgraditi bolje društvo“) podržanog od fondacije „Balkan Trust for Democracy (BTD) - German Marshall Fund of the United States“, Helsinški Parlament Građana (hCa) / Omladinski Resursni Centar (ORC) Tuzla je zajedno sa omladinskim organizacijama – članicama Omladinske Mreže Bosne i Hercegovine, izvršio anketiranje mladih u **8 opština/općina** Bosne i Hercegovine i to:

- **4 opštine/općine** u kojima **nije došlo do promjene lokalnih organa vlasti** nakon lokalnih izbora održanih u Oktobru 2012. godine, a to su: Konjic, Lopare, Doboj, Bosanska Krupa (po 2 opštine/općine iz Federacije i Republike Srpske):

**Konjic** je mjesto i središte istoimene općine na krajnjem sjeveru planinske Hercegovine, u centralnom dijelu Bosne i Hercegovine, u kotlini sa obje strane rijeke Neretve i oko ušća Neretvine pritoke Trešanice. Konjic je 1991. brojao oko 14.500, a općina blizu 45.000 stanovnika. Konjic je sastavni dio Federacije BiH. 2008 na vlasti je bila stranka SDA, 2012. pobijedila je Stranka Demokratske Akcije sa 34,50% glasova.

**Lopare** su općina i naselje u sjeveroistočnom dijelu Bosne i Hercegovine. Lopare se nalaze u živopisnom krajoliku, gdje planina Majevice prelazi sa svojih visova ka ravnici, Semberiji i Posavini. Lopare su oduvijek bile centar tog dijela Podmajevice. Površina općine zauzima 298 kvadratnih kilometara, sa 16.828 stanovnika u 4.704 domaćinstva. Lopare su sastavni dio Republike Srpske. 2008 na vlasti je bio SDS, na lokalnim izborima 2012 pobijedio je SDS sa 38,95% glasovna

**Doboj** je mjesto u sjevernom dijelu Bosne i Hercegovine. Leži u aluvijalnoj ravnici na 146 m nadmorske visine, na lijevoj obali rijeke Bosne između ušća rijeka Usore i Spreče u Bosnu. Prije rata, do 1992. godine bio je sjedište općine koja je obuhvatala područje od 691km<sup>2</sup>. Taj prostor sada pripada općinama Doboj, Doboj Istok, Doboj Jug i Usora. Prva od ovih općina se nalazi u Republici Srpskoj dok se ostale tri nalaze u Federaciji BiH. Prema podacima iz 1991. godine u općini je živjelo 102.549 stanovnika, od čega u samom Doboju 27.498 stanovnika. Doboj je sastavni dio Republike Srpske. 2008 na vlasti je bio SDS, na lokalnim izborima 2012 je pobijedio SDS sa 34,96% glasovna.

**Bosanska Krupa** je mjesto i središte istoimene općine u sjeverozapadnom dijelu Bosne i Hercegovine. Smještena je u dolinama rijeka Une i Krušnice. Najveći dio mjesta razvio se na niskom prevoju između brda Huma i Starog grada na nadmorskoj visini od 176 m u proširenom dijelu rijeke Une. Bosanska Krupa je sastavni dio Federacije BiH. 2008 na vlasti u skupštini je bila SDA, 2012 na lokalnim izborima pobijedio je SDP sa 31,17% glasova

- **4 opštine/općine** u kojima je **došlo do promjene lokalnih organa vlasti** nakon Lokalnih izbora u Oktobru 2012. godine, a to su: Bihać, Brod, Bratunac i Olovo (također po 2 opštine/općine iz Federacije i Republike Srpske):

**Bihać** je mjesto i središte istoimene općine u sjeverozapadnom dijelu Bosne i Hercegovine, te glavni grad Unsko-sanskog kantona. Površina općine je oko 900 km<sup>2</sup>. Do 1995. godine površina općine iznosila je 689 km<sup>2</sup>, da bi, po zaključenju Daytonskog sporazuma, dio prijeratne općine Drvar bio pripojen općini Bihać. Prema procjenama, broj stanovnika na dan 30. juni 2007. godine iznosio je 61.035. Sam Bihać ima 39.195 stanovnika i pripada Federaciji BiH. 2008 na vlasti je bio SDP, 2012 na lokalnim izborima pobijedila je SDA sa 39,41%.

**Brod** je mjesto i središte istoimene općine na krajnjem sjeveru Bosne i Hercegovine, na desnoj obali rijeke Save. Brod je 1991. brojao 14.098, a općina 34.138 stanovnika. Općina sada broji 11.315 stanovnika prema popisu Centra za socijalni rad 2006. godine. Općina pripada entitetu Republika Srpska. 2008 na vlasti u skupštini je bila hrvatska koalicija –HDZBiH, HSS-NHI, HDZ1990, 2012 na lokalnim izborima pobijedio je SNSD sa 18,02% glasovna.

**Bratunac**, općina Bratunac je smještena u sjeveroistočnoj Bosni i Hercegovini. Unutar granica Republike Srpske (BiH) općina graniči s općinama Zvornik, Srebrenica i Vlasenica, a rijekom Drinom u dužini od 68 km graniči sa Srbijom. U općini postoji 15 mjesnih zajednica s ukupno 20.800 stanovnika. Općina pripada entitetu Republika Srpska. 2008 na vlasti u skupštini je bio SNSD, 2012 na lokalnim izborima pobijedio je savez SDA-SBiH sa 15,52% glasovna.

**Olovo** je smješteno 50 km sjeveroistočno od Sarajeva, na magistralnoj cesti što vodi od Sarajeva prema Tuzli. Danas se općina Olovo prostire na 408 km<sup>2</sup> površine i ima oko 14.000 stanovnika. Olovska općina pripada Zeničko-Dobojskom kantonu Federacije BiH. 2008 za načelnika Olova je izabran predstavnik iz reda Stranke za BiH a na lokalnim izborima 2012 izabran je načelnik iz stranke SDA sa 38,82% glasova

Ukupno je popunjeno 1600 upitnika (po 200 upitnika u svakom od navedenih opština/općina).

Anketni upitnik je sadržavao 16 pitanja, od kojih je 14 bilo sa ponuđenim odgovorima koje su ispitanici odabirali (zaokruživali), a kod nekih imali mogućnost da dopišu svoj odgovor, a 2 pitanja su bila opisna. Također, upitnici u opštinama/općinama u kojima je došlo do promjene vlasti nakon Lokalnih izbora 2012. godine i onih u kojima nije došlo do promjene vlasti nisi bili u potpunosti isti tj. neka pitanja su bila modifikovana da bi dobili što bolje pokazatelje.

U distribuciji i anketiranju su nam veoma pomogli naši partneri – omladinske organizacije i pojedinci iz BiH, kojima se zahvaljujemo na vremenu i trudu koji su odvojili za ovo: Demokratski Centar „Nove Nade“ Bihać, Udruženje Građana „Kriva Rijeka“ Olovo, OO Odisej Bratunac, Volonteri i prijatelji Konjica, UG „Navis“ Brod, „EKO Leonardo“ Priboj, NVO Topeer Dobo.

Koristimo se prilikom i da se ovim putem zahvalimo svim pojedincima koji su odvojili svoje vrijeme da daju doprinos ovoj našoj analizi popunjavanjem upitnika na terenu.

**hCa / ORC Tuzla**

**Tuzla, April godine**

Anketa: Mladi mogu izgraditi bolje društvo

# SADRŽAJ

<b>Uvod</b>	<b>4</b>
<b>Summary</b>	<b>5</b>
<b>Anketa</b>	<b>6</b>
<b>Analiza za opštine u kojima je došlo do promjene vlasti</b>	<b>6</b>
<b>Analiza za opštine u kojima nije došlo do promjene vlasti</b>	<b>15</b>
<b>Generalna statistika rezultata upitnika</b>	<b>23</b>
<b>Zaključci</b>	<b>24</b>
<b>O Omladinskom Resursnom Centru</b>	<b>26</b>

## UVOD

Podjela građana Bosne i Hercegovine u etno-konfesionalne korpuse i trajna "zagrijavanja" poslijeratnog nepovjerenja među Srbima, Bošnjacima i Hrvatima su neki od razloga za blokiranje društvenog kapitala bosanskohercegovačkog društva. Za proces pomirenja u Bosni i Hercegovini, ali i regiji, naviješe mogu doprinijeti mladi tj. generacije koje se ne sjećaju ratne prošlosti u našoj zemlji. Na žalost, u proteklom razdoblju, upravo ove generacije sistemski su "regrutirani" i manipulirani od strane nacionalnih stranaka. Umjesto smirivanja nacionalističkih tenzija i rada na jačanju social-ekonomskog položaja građana u BiH, političke stranke i dalje koriste nacionalističku retoriku kao najbolji alat za opstanak na vlasti. U "raljama" ovakve politike nalaze se svi građani BiH, a jedna od najugroženijih kategorija jesu mladi.

U većini lokalnih zajednica Bosne i Hercegovine mladi su vrlo pasivni, a mnogi od njih nemaju interes za aktivno sudjelovanje u izgradnji vlastite budućnosti. Oni rijetko izlaze na izbore i nemaju interesa za sudjelovanje u društveno-političkom životu u svojoj lokalnoj zajednici. Omladinske organizacije imaju vrlo teške uvjete rada. Većina njih nemaju podršku lokalne zajednice i/ili vlasti.

Prije svakih izbora u našoj zemlji većina političkih stranaka obećavala je prosperitet, zapošljavanje, borbu s korupcijom, itd. No, nakon izbora oni zaboravljaju svoja obećanja i čine veoma malo na poboljšanju općeg stanja.

Neki od ciljeva projekta "You(th) can make better local society!" („Mladi mogu izgraditi bolje društvo“) su sljedeći:

1. Uspostavljanje i provedba održivog modela javnih debata kao metode rješavanja problema u lokalnoj zajednici;
2. Povećanje svijesti građana BiH o potrebi za demokratskim promjenama unutar zemlje;
3. Educiranje mladih o demokratskim instrumentima za lokalni razvoj;
4. Učestvovanje u umrežavanju omladinskog nevladinog sektora u cilju promocije i obučavanja nove generacije omladinskih aktivista za efikasniju participaciju i učešće u razvoju lokalne zajednice i kompletne države;
5. Stvaranje pretpostavke za vraćanje povjerenja među mladima u BiH i povećavanje međuentitetskog, međuetničkog i međukulturalnog odnosa mladih u BiH

U okviru projekta biti će organizovanje sljedeće aktivnosti:

1. Anketiranje mladih i analiza ankete - Cilj ovog anketiranja je dobijanje osnovnog razmišljanja mladih o aktualnim lokalnim organima vlasti i njihovoj (ne)brizi za mlade, kao i dobijanje informacija koliko su mladi zapravo zainteresovani za učešće u radu i razvoju lokalne zajednice
2. Organizovanje dvije javne debate (po jedna u FBiH i RS) - na debati će učestvovati mladi sa lokalnim organima vlasti, a tema će biti aktualna problematika u mjestima u kojima će se organizovati javna debata;
3. Organizovanje 2 (dva) treninga za omladinske aktiviste – u okviru ove aktivnosti biti će pružena šansa za neformalnu edukaciju mladih, a neke do tema su: način rada u omladinskom sektoru, osmišljavanje i provođenje kampanja, javno zagovaranje, umrežavanje i sl.
4. Organizovanje 8 manjih lokalnih uličnih kampanja – na osnovu svih prethodnih aktivnosti, biti će pružena prilika omladinskim organizacijama/neformalnim grupama/pojedincima da primjene znanje stečeno kroz ovaj projekat tj. da osmisle i implementiraju uličnu kampanju u svojoj lokalnoj zajednici.

## SUMMARY

In most of the small cities in B&H youth organizations have very hard working conditions. Most of them have no any kind of support from local community, neither political parties, nor local authorities. Most of them have a problem with working space. There is no any dialogue between the youth organizations and local authorities. The biggest problem in almost all-local communities is the disturbed the value awareness (humanism, ecology, moral, democracy, sense), which have a negative influence toward the youngsters. The co-operation between them is weak, and very often youth organizations are not understood, or they are obstructed. There is necessity to promote the youth organizations in their communities, in order to reduce those problems in the future

As product of permanent nationalist rhetoric youth does not identify themselves as citizens of Bosnia and Herzegovina, but rather as representatives of certain ethnic or religious groups. Such situation goes in a favour of nationalistic politics which run our country. Within such a campaign promoted by the national elites, it is even more difficult and hard to struggle for raising awareness amongst youth and engaging them in planning their own future in the unified country. In the midst of these political power struggles the youth of Bosnia and Herzegovina feels alien and passive, estranged from any participation in local governance or decision making processes directly affecting their everyday lives and future. Youth lacks civil consciousness and does not identify itself as a potential actor of the civil and political processes taking place in the country.

Before each election in our country most of the political parties have been promising prosperity, employment, struggling with corruption etc. But after election is over they "forgot" their promises and rally speeches, and make poor efforts for improving general situation. It would be very essential to make the politicians aware about their election promises, requesting from them to work on their fulfilment. It could be achieved through serial post-election activities, where youth/citizens would be able to have a direct (public) communication with local authorities. On such way local authorities would have a permanent monitoring of their work. In another hand local authorities would be able to get direct from the field what would be a priority in solving/improving life of the youth/citizens in their community. Due Local elections in Bosnia and Herzegovina just passed (held in October 2012), it is already known who won at the local community (municipalities/cities). In some cities/municipalities the constitution of the municipal council and mayor remain in some cities/emancipates have been changed. During the project it would be taken an equal number of cities/municipalities where government on power remain the same and where the government have been changed. Comparing the citizens youth expectations, suggestions disappointments, and other data would be a great indicator for both local authorities and citizens what was wrong previously and what has to be changed and improved in future

# ANKETA

Tokom anketiranja u **8** bosanskohercegovačkih gradova, ukupno je popunjeno **1596** upitnika, **796** u opštinama/općinama u kojima je došlo do promjene vlasti nakon Lokalnih izbora 2012. godine, a **800** u opštinama/općinama u kojima nije došlo do promjene vlasti nakon Lokalnih izbora 2012. godine.

Analizu ankete smo uradili u dva segmenta :


1. Analiza za opštine/općine u kojima je došlo do promjene vlasti nakon lokalnih izbora 2012. godine i
2. Analiza za opštine/općine u kojima nije došlo do promjene vlasti nakon lokalnih izbora 2012. godine

## I ANALIZA ZA OPĆINE/OPŠTINE U KOJIMA JE DOŠLO DO PROMJENE VLASTI

Anketiranje je vršeno u četiri općine, od čega su dvije iz FBiH (Bihać i Olovo), a dvije iz RS (Brod i Bratunac).

### POLNA STRUKTURA ISPITANIKA


U anketi je sudjelovalo **409 (51,00%)** muških i **387 (49,00%)** ženskih ispitanika.



*Polna struktura ispitanika za općine/opštine u kojima je došlo do promjene vlasti*

### STAROSNA DOB ISPITANIKA

Od ukupnog broja ispitanika, njih **37 (4,6%)** su starosne dobi ispod 16 godina. Zatim slijedi: **98 (12,4%)** starosne dobi 16 – 18 godina; **526 (66,00%)** ispitanika je starosne dobi 18 – 30 godina, i **135 ispitanika (17,00%)** su starosne dobi preko 30 godina.




*Starosna struktura ispitanika za općine/opštine u kojima je došlo do promjene vlasti*

## STATUS ISPITANIKA

Od **796** anketirana na području **4** grada status ispitanika je sljedeći:

- a) Srednjoškolac **180** ili **22,7%**
- b) Student **122** ili **15,3%**
- c) Nezaposlen **306** ili **38,4%**
- d) Zaposlen **171** ili **21,5%**
- e) Ostalo **17** ili **2,1%**




*Status ispitanika za općine/opštine u kojima je došlo do promjene vlasti*

Prvo postavljeno pitanje u anketi glasilo je:

**Da li si glasao/la na prethodnim lokalnim izborima u oktobru 2012. godine?**

Na ovo pitanje **407 (51,00%)** ispitanika odgovorilo je da jeste, dok je njih **389 (49,00%)** odgovorilo da nije glasalo.




*Omjer odgovora na pitanje:  
Da li si glasao/la na prethodnim lokalnim izborima u oktobru 2012. godine?  
(za ispitanike u općinama/opštinama u kojima je došlo do promjene vlasti)*

U okviru ovog pitanja ostavili smo priliku da anketirani pojašne zbog čega jesu, odnosno zbog čega nisu glasali. Ispitanici su najčešće davali sljedeće odgovore: „Glasala sam jer sam mislila da se nešto može promijeniti“, „Građanska dužnost“, „Nemam povjerenje u političare zato nisam glasao“, „bilo mi je plaćeno“....

Sljedeće pitanje u anketi bilo je:

**Znaš li koja je politička opcija ili koalicija trenutno na vlasti u tvojoj opštini?**

Na ovo pitanje **382** ispitanika (**48,00%**) odgovorilo je da ne zna, a **414 (52,00%)** odgovorilo je da zna koja je politička opcija ili koalicija trenutno na vlasti u njihovoj opštini/općini.



*Omjer odgovora na pitanje:  
Znaš li koja je politička opcija ili koalicija trenutno na vlasti u tvojoj opštini?*


(za ispitanike u općinama/opštinama u kojima je došlo do promjene vlasti)

U okviru ovog pitanja ostavili smo priliku da anketirani koji su odgovorili potvrdno upišu naziv političke partije ili koalicije koja je trenutno na vlasti i ti odgovori su u većini slučajeva bili tačni.

Treće pitanje postavljeno u anketi bilo je:

**Obzirom da je u tvojoj lokalnoj zajednici došlo do promjene vlasti nakon izbora održanih prošle godine, da li vjeruješ da će novoizabrana vlast biti bolja ili lošija od prethodne vlasti u smislu poboljšanja kvalitete života, pogotovo za mlade?**

Na ovo pitanje **124** ispitanika (**22,40%**) odgovorilo je da će biti lošija od prethodne vlasti, **178** (**15,60%**) odgovorilo je da će biti bolja od prethodne vlasti, a **494** (**62,00%**) je odgovorilo da ne zna.



Omjer odgovora na pitanje:

Obzirom da u tvojoj lokalnoj zajednici nije došlo do promjene vlasti nakon izbora održanih prošle godine, molimo te da nam od ponuđenih odgovora zaokružiš jednu od ponuđenih konstatacija, ili da napišete svoje mišljenje.


(za ispitanike u općinama/opštinama u kojima je došlo do promjene vlasti)

U okviru ovog pitanja dali smo mogućnost da ispitanici upišu zbog čega smatraju da će nova vlast biti bolja odnosno lošija od prethodne. Neki od čestih odgovora bili su: „do sada se nije ni jedna pokazala dobra, ni ova neće“ ; „bojim se da ne ostane isto kao i prije“ ; „skoro isti ljudi na vlasti“ ; „Obećali su bolje“ ; „Svaki put sve gore“ ; „ovo se nikad promijeniti neće“...

Naredno pitanje glasilo je:

**Koji su, po tebi, najveći problemi sa kojima se susreću mladi u tvojoj lokalnoj zajednici (zaokruži jedan ili više ponuđenih odgovora, a i dopiši još neke za koje smatraš da su aktuelni u tvojoj lokalnoj zajednici?)**

Ispitanici su definirali probleme na sljedeći način: Nezaposlenost (**688** odgovora) ; Vršnjačka delikvencija (**154** odgovora); Narkomanija (**144** odgovora); Alkoholizam (**227** odgovora); Nacionalizam (**76** odgovora); Izoliranost (**139** odgovora); Nedostatak omladinskih prostora (**421** odgovor).




Omjer odgovora na pitanje:  
*Koji su, po tebi, najveći problemi sa kojima se susreću mladi u tvojoj lokalnoj zajednici?*  
*(za ispitanike u općinama/opštinama u kojima je došlo do promjene vlasti)*

Iako ih nije bilo u velikom broju, neki od dopisanih odgovora ispitanika bili su: „mito i korupcija“; „nedostatak sportskih terena“; „neinformiranost“; „nezainteresovanost i pasivnost mladih“

Peto pitanje glasilo je:

**Kako se lokalne vlasti u tvom gradu odnose prema mladima?**

Od ponuđena tri odgovora njih **591 (74,25 %)** je odgovorilo „Mladi su prepušteni sami sebi“; **28 (3,52%)** odgovorilo je „Lokalne vlasti se brinu i redovno prate potrebe mladih“; a **177 (22,23 %)** odgovorilo „Ne znam“




Omjer odgovora na pitanje:  
*Kako se lokalne vlasti u tvom gradu odnose prema mladima?*  
*(za ispitanike u općinama/opštinama u kojima je došlo do promjene vlasti)*

Sljedeće pitanje bilo je:

**Da li u tvojoj lokalnoj zajednici postoji služba koja se bavi pitanjima mladih? (ukoliko ispitanik odgovori potvrdno na ovo pitanje postavljeno je i dodatno pitanje da napiše koja je to služba)**

Kod ovog pitanja **75 (9,42%)** ispitanika odgovorilo je da postoji; **354 (44,48%)** da ne postoji; dok je **367 (46,10%)** odgovorilo „Ne znam“.



*Omjer odgovora na pitanje:*


*Da li u tvojoj lokalnoj zajednici postoji služba koja se bavi pitanjima mladih?  
(za ispitanike u općinama/opštinama u kojima je došlo do promjene vlasti)*

Mali je broj ispitanika koji su odgovorili na dodatno pitanje i uglavnom, odgovori su bili sljedeći: „komisija za mlade“ ; „nevladine organizacije“...

Sedmo pitanje bilo je:

**Da li mladi u tvojoj lokalnoj zajednici mogu uticati na neke odluke lokalnih vlasti koje se tiču njih? (ponuđena su bila dva odgovora DA i NE, a za svaki od odgovora postavljeno je i pitanje „Zašto?“ )**

Kod ovog pitanja **688 (86,40%)** odgovorilo je NE, a **108 (13,60%)** DA.



*Omjer odgovora na pitanje:*

*Da li mladi u tvojoj lokalnoj zajednici mogu uticati na neke odluke lokalnih vlasti koje se tiču njih?  
(za ispitanike u općinama/opštinama u kojima je došlo do promjene vlasti)*

Ispitanici koji su odgovorili sa NE većinom su davali sljedeći opisni odgovor: „Mogli bi kad bi ih neko nešto pitao“; „Nedovoljan broj omladinskih organizacija koje bi podupirale mlade“; „Vlast nije zainteresovana slušati“; „Nemaju svoje predstavnike“ ....

Ispitanici koji su odgovorili sa DA većinom su davali sljedeći opisni odgovor: „Moraju da se organizuju“; „Pokretanjem inicijativa i direktnim razgovorima s odbornicima“; „Veći broj mladih u vlasti“; „Zato što nema ujedinjenja kod mladih“...

Osmo pitanje bilo je opisno:


**Šta je po tvom mišljenju prioritet koji bi lokalne vlasti trebale riješiti u tvojoj lokalnoj zajednici?**

Kod ovog pitanja prevladavali su uglavnom sljedeći odgovori: „Zaposlenje“; „Aktivnost mladih, nemaju gdje provoditi slobodno vrijeme“; „Da se uvede više sadržaja za mlade ljude i obezbijede radna mjesta“; „sklanjanje pasa lualica“; „Otvaranje novih radnih mjesta“; „više prostora za okupljanje mladih i aktivnosti u kojima bi učestvovali“; „udruženja za mlade, nezaposlenost, sportska udruženja“

Deveto pitanje glasilo je:

**Da li bi bolje organizovanje i veći broj omladinskih i nevladinih organizacija uticalo na poboljšanje položaja mladih u tvojoj lokalnoj zajednici i uspješnijoj saradnji sa lokalnim vlastima?**

Na ovo pitanje **476 (59,80%)** ispitanika odgovorilo je DA, **111 (13,95%)** odgovorilo je NE, a **209 (26,25 %)** odgovorilo je NE ZNAM



Omjer odgovora na pitanje:


*Da li bi bolje organizovanje i veći broj omladinskih i nevladinih organizacija uticalo na poboljšanje položaja mladih u tvojoj lokalnoj zajednici i uspješnijoj saradnji sa lokalnim vlastima?  
(za ispitanike u općinama/opštinama u kojima je došlo do promjene vlasti)*

Deseto pitanje bilo je:

**Šta očekuješ od novoizabrane opštinske vlasti?**

Od četiri (4) ponuđena odgovora anketirani su odgovarali na sljedeći način:

- |   |                       |
|---|-----------------------|
| a) Ništa  | 245 odgovora (30,80%) |
| b) Vlast zainteresovanu za rješavanje problema mladih | 144 odgovora (18,10%) |
| c) Isto kao i prije                                   | 210 odgovora (26,45%) |
| d) Poboljšanje životnih uslova mladih                 | 196 odgovora (24,65%) |




Omjer odgovora na pitanje:  
**Šta očekuješ od novoizabrane opštinske vlasti?**  
 (za ispitanike u općinama/opštinama u kojima je došlo do promjene vlasti)

Naredno pitanje bilo je:

**Da ti se pruži prilika, da li bi se aktivno uključio/la u rješavanje nekog od problema u svojoj lokalnoj zajednici?**

**639 (80,27%)** anketiranih odgovorilo je DA, a **157 (19,73%)** sa NE



Omjer odgovora na pitanje:  
**Da ti se pruži prilika, da li bi se aktivno uključio/la u rješavanje nekog od problema u svojoj lokalnoj zajednici?**  
 (za ispitanike u općinama/opštinama u kojima je došlo do promjene vlasti)

Pretposljednje pitanje bilo je opisno i glasilo je:

**Po tvom mišljenju, na koji način je moguće uspostaviti bolju saradnju mladih sa lokalnih vlastima?**


Anketirani su upisivali razne odgovore, ali izdvajamo one koji se najviše spominju: „Uključiti mlade u vlast lokalne zajednice“; „Javnim tribinama vlasti s mladima“; „Demonstracije“; „Više sastanka i dogovora o rješavanju problema“; „Da imaju svoje predstavnike u opštini“; „Dobrim projektima u kojima će zajedno učestvovati“; „Vrlo teško je uspostaviti saradnju mladih i vlasti“; „Preko NVO-a i raznih udruženja“...

Anketa: Mladi mogu izgraditi bolje društvo

Posljednje pitanje bilo je:

**Da li si ikada učestvovao/la na nekoj od aktivnosti koju su organizovale nevladine organizacije? (ukoliko je odgovor bio pozitivan anketirani su imali mogućnost da upišu naziv aktivnosti na kojima su učestvovali)**

Na ovo pitanje **589 (74,00%)** je odgovorilo da nisu imali priliku da učestvuju, a **207 (26%)** odgovorilo je potvrdno, a dodatno su odgovarali većinom sljedeće: „Seminari, treninzi, volontiranje“; „ humanitarne akcije, kampanje, volontiranje“; „seminari, kampanje“



*Omjer odgovora na pitanje:*


*Da li si ikada učestvovao/la na nekoj od aktivnosti koju su organizovale nevladine organizacije?  
(za ispitanike u općinama/opštinama u kojima je došlo do promjene vlasti)*

## II ANALIZA ZA OPĆINE/OPŠTINE U KOJIMA NIJE DOŠLO DO PROMJENE VLASTI

Anketiranje je vršeno u četiri općine, od čega su dvije iz FBiH (Bosanska Krupa i Konjic), a dvije iz RS (Doboj i Priboj)

### POLNA STRUKTURA ISPITANIKA


U anketi je sudjelovalo **383 (48,00%)** muških i **417 (52,00%)** ženskih ispitanika.



*Polna struktura ispitanika za općine/opštine u kojima nije došlo do promjene vlasti*

### STAROSNA DOB ISPITANIKA

Od ukupnog broja ispitanika, njih **2 (0,25%)** su starosne dobi ispod 16 godina. Zatim slijedi: **135 (16,85%)** starosne dobi 16 – 18 godina; **636 (79,50%)** ispitanika je starosne dobi 18 – 30 godina, i **27** ispitanika (**3,40%**) su starosne dobi preko 30 godina.




*Starosna struktura ispitanika za općine/opštine u kojima nije došlo do promjene vlasti*

## STATUS ISPITANIKA

Od **800** anketirana na području **4** grada status ispitanika je sljedeći:

- a) Srednjoškolac **355** ili **44,37%**
- b) Student **190** ili **23,75%**
- c) Nezaposlen **138** ili **17,25%**
- d) Zaposlen **117** ili **14,63%**
- e) Ostalo **0** ili **0%**




*Status ispitanika za općine/opštine u kojima nije došlo do promjene vlasti*

Prvo postavljeno pitanje u anketi glasilo je:

**Da li si glasao/la na prethodnim lokalnim izborima u oktobru 2012. godine?**

Na ovo pitanje **427 (53,00%)** ispitanika odgovorilo je da jeste, dok je njih **373 (47,00%)** odgovorilo da nije glasalo.



*Omjer odgovora na pitanje:*


*Da li si glasao/la na prethodnim lokalnim izborima u oktobru 2012. godine?  
(za ispitanike u općinama/opštinama u kojima nije došlo do promjene vlasti)*

U okviru ovog pitanja ostavili smo priliku da anketirani pojasne zbog čega jesu, odnosno zbog čega nisu, glasali. Ispitanici su najčešće davali sljedeće odgovore: „Zato jer je to bila moja građanska dužnost“; „Nisam bila punoljetna“; „Nemam za koga“; „Zbog želje za promjenama“; „Politika me ne interesuje“...

Sljedeće pitanje u anketi bilo je:

**Znaš li koja je politička opcija ili koalicija trenutno na vlasti u tvojoj opštini?**

Na ovo pitanje **139** ispitanika (**17,00 %**) odgovorilo je da zna, a **661 (83,00 %)** odgovorilo je da ne zna koja je politička opcija ili koalicija trenutno na vlasti u njihovoj opštini/općini.



*Omjer odgovora na pitanje:*

*Znaš li koja je politička opcija ili koalicija trenutno na vlasti u tvojoj opštini?  
(za ispitanike u općinama/opštinama u kojima nije došlo do promjene vlasti)*


U okviru ovog pitanja ostavili smo priliku da anketirani koji su odgovorili potvrdno upišu naziv političke partije ili koalicije koja je trenutno na vlasti i ti odgovori su u većini slučajeva bili tačni.

Treće pitanje postavljeno u anketi bilo je:

**Obzirom da u tvojoj lokalnoj zajednici nije došlo do promjene vlasti nakon izbora održanih prošle godine, molimo te da nam od ponuđenih odgovora zaokružiš jednu od ponuđenih konstatacija, ili da napišete tvoje mišljenje.**

Od četiri ponuđena odgovora anketirani su odabrali sljedeće:

- a) Lokalna vlast je svojim radom zadovoljila interese građana, uradila je i radi dosta na poboljšanju kvaliteta života, pogotovo mladih **113 (14,00%)**
- b) Lokalna vlast nije imala nekih značajnijih uspjeha i opstala je na vlasti samo jer ostale stranke nisu imale kvalitetne programe **298 (38,00%)**
- c) Lokalna vlast nije imala nekih značajnijih uspjeha i opstala je na vlasti samo radi korištenja nacionalističke retorike u toku izborne kampanje **185 (23,00%)**
- d) Ostalo **203 (25,00 %)**




Omjer odgovora na pitanje:

Obzirom da je u tvojoj lokalnoj zajednici došlo do promjene vlasti nakon izbora održanih prošle godine, da li vjeruješ da će novoizabrana vlast biti bolja ili lošija od prethodne vlasti u smislu poboljšanja kvalitete života, pogotovo za mlade?

(za ispitanike u općinama/opštinama u kojima je došlo do promjene vlasti)

Anketirani koji su odgovorili/zaokružili odgovor **d)** davali su i dodatna pojašnjenja, od kojih izdvajamo najčešća: „Ucjenom i kupovinom glasova“; „Manipulacija glasačkim tijelom“; „Narod naivan“; „Znalo se unaprijed ko će pobijediti“...

Naredno pitanje glasilo je: **Koji su, po tebi, najveći problemi sa kojima se susreću mladi u tvojoj lokalnoj zajednici (zaokruži jedan ili više ponuđenih odgovora, a i dopiši još neke za koje smatraš da su aktualni u tvojoj lokalnoj zajednici)?** Ispitanici su definirali probleme na sljedeći način: Nezaposlenost (**729** odgovora); Vršnjačka delikvencija (**184** odgovora); Narkomanija (**273** odgovora); Alkoholizam (**302** odgovora); Nacionalizam (**136** odgovora); Izolovanost (**330** odgovora); Nedostatak omladinskih prostora (**337** odgovor).



Omjer odgovora na pitanje:


Koji su, po tebi, najveći problemi sa kojima se susreću mladi u tvojoj lokalnoj zajednici?  
(za ispitanike u općinama/opštinama u kojima nije došlo do promjene vlasti)

Iako ih nije bilo u velikom broju, neki od dopisanih odgovora ispitanika bili su: „Najveći problem je što mladi ne mogu naći posao, tako nastaju svi ostali problemi“; „pasivnost mladih, korupcija“; „neinformisanost“; „Neinformisanost, apatija, mladi su pasivni ne žele učiti i raditi naročito kada je riječ o neformalnom obrazovanju. Strah od moći i uticaja lokalne vlasti“...

Peto pitanje:

**Kako se lokalne vlasti u tvom gradu odnose prema mladima?**

Od ponuđena tri odgovora njih **585 (73,10 %)** je odgovorilo „Mladi su prepušteni sami sebi“; **56 (7,00%)** odgovorilo je „Lokalne vlasti se brinu i redovno prate potrebe mladih“; a **159 (19,90%)** odgovorilo „Ne znam“




Omjer odgovora na pitanje:  
*Kako se lokalne vlasti u tvom gradu odnose prema mladima?*  
 (za ispitanike u općinama/opštinama u kojima nije došlo do promjene vlasti)

Sljedeće pitanje bilo je:

**Da li u tvojoj lokalnoj zajednici postoji služba koja se bavi pitanjima mladih? (ukoliko ispitanik odgovori potvrdno na ovo pitanje postavljeno je i dodatno pitanje da napiše koja je to služba)**

Kod ovog pitanja **148 (18,50%)** ispitanika odgovorilo je da postoji; **215 (26,90%)** da ne postoji; dok je **437 (54,60%)** odgovorilo „Ne znam“.




Omjer odgovora na pitanje:  
*Da li u tvojoj lokalnoj zajednici postoji služba koja se bavi pitanjima mladih?*  
 (za ispitanike u općinama/opštinama u kojima nije došlo do promjene vlasti)

Mali je broj ispitanika koji su odgovorili na dodatno pitanje i uglavnom, odgovori su bili sljedeći: „demokratski centar; „vijeće mladih“; „komisija za pitanja mladih“; „nevladine organizacije“...

Sedmo pitanje bilo je:

**Da li mladi u tvojoj lokalnoj zajednici mogu uticati na neke odluke lokalnih vlasti koje se tiču njih? (ponuđena su bila dva odgovora DA i NE, a za svaki od odgovora postavljeno je i pitanje „Zašto?“ )**

Kod ovog pitanja **598 (74,75%)** je odgovorilo NE, a **202 (25,25%)** DA.



*Omjer odgovora na pitanje:*

*Da li mladi u tvojoj lokalnoj zajednici mogu uticati na neke odluke lokalnih vlasti koje se tiču njih?  
(za ispitanike u općinama/opštinama u kojima nije došlo do promjene vlasti)*

Ispitanici koji su odgovorili sa NE većinom su davali sljedeći opisni odgovor: „Nisu uključeni u odlučivanje“; „Političari ne žele služiti mlade i njihove prijedloge“; „Nedovoljan broj omladinskih organizacija koje bi podupirale mlade“; „Vlast nije zainteresovana da sluša“; „Nemaju svoje predstavnike“ ....

Ispitanici koji su odgovorili sa DA većinom su davali sljedeći opisni odgovor: „I to mladi čiji očevi su na funkcijama“; „Ako se mladi bore, dobiće što žele!“; „Jer mladi trebaju odlučivati o pitanjima koja se tiču njih“; „Političkim angažmanom“; „Ako su članovi partije koja vlada“

Osmo pitanje bilo je opisno:


**Šta je po tvom mišljenju prioritet koji bi lokalne vlasti trebale riješiti u tvojoj lokalnoj zajednici?**

Na ovo pitanje uglavnom su prevladavali sljedeći odgovori: „Pitanje lakšeg zaposlenja“; „Aktivnost mladih, nemaju gdje provoditi slobodno vrijeme“; „Izgradnja centara za mlade, sportska igrališta“; „Organizovanje mladih“; „Udruživanje mladih i promovisanje njihovih interesa radi ostvarivanja postavljenih ciljeva“...

Deveto pitanje glasilo je:

**Da li bi bolje organizovanje i veći broj omladinskih i nevladinih organizacija uticao na poboljšanje položaja mladih u tvojoj lokalnoj zajednici i uspješnijoj saradnji sa lokalnim vlastima?**

Na ovo pitanje **545 (68,10%)** ispitanika odgovorilo je DA, **63 (7,90%)** odgovorilo je NE, a **192 (24,00%)** odgovorilo je NE ZNAM




*Omjer odgovora na pitanje:*

*Da li bi bolje organizovanje i veći broj omladinskih i nevladinih organizacija uticao na poboljšanje položaja mladih u tvojoj lokalnoj zajednici i uspješnijoj saradnji sa lokalnim vlastima?  
(za ispitanike u općinama/opštinama u kojima nije došlo do promjene vlasti)*

Deseto pitanje bilo je:

**Da ti se pruži prilika, da li bi se aktivno uključio/la u rješavanje nekog od problema u svojoj lokalnoj zajednici?**

Na ovaj odgovor **671 (83,90%)** anketiranih odgovorilo je sa DA, a **129 (16,10%)** sa NE.



*Omjer odgovora na pitanje:*

*Da ti se pruži prilika, da li bi se aktivno uključio/la u rješavanje nekog od problema u svojoj lokalnoj zajednici?  
(za ispitanike u općinama/opštinama u kojima nije došlo do promjene vlasti)*

Pretposljednje pitanje bilo je opisno i glasilo je:


## Po tvom mišljenju, na koji način je moguće uspostaviti bolju saradnju mladih sa lokalnih vlastima?

Anketirani su upisivali razne odgovore, ali izdvajamo one koji se najviše spominju: „Uključiti mlade u vlast lokalne zajednice“; „Javnim tribinama vlasti s mladima“; „Organizovanje skupova i sastanaka s mladima“; „Dijalogom“; „Organizovanjem omladine u nekim udruženjima“; „Ma kod nas to nije moguće“; „Da se mladima pruži više prostora u lokalnim vlastima, da se ozbiljnije gleda na njihove projekte i potrebe“; „Više projekata za mlade“...

Posljednje pitanje bilo je:

**Da li si ikada učestvovao/la na nekoj od aktivnosti koju su organizovale nevladine organizacije? (ukoliko je odgovor bio pozitivan anketirani su imali mogućnost da upišu naziv aktivnosti na kojima su učestvovali)**

Na ovo pitanje **478 (59,75%)** je odgovorilo da nisu imali priliku da učestvuju, a **322 (40,25%)** odgovorilo je potvrdno, a dodatno su odgovarali većinom sljedeće: „Treninzi, folklor, akcija čišćenja“; „Volontiranje, kampanje, treninzi“; „Humanitarne akcije“



*Omjer odgovora na pitanje:*

*Da li si ikada učestvovao/la na nekoj od aktivnosti koju su organizovale nevladine organizacije?  
(za ispitanike u općinama/opštinama u kojima nije došlo do promjene vlasti)*

## Generalna statistika rezultata upitnika

- **Polna struktura ispitanika:** Od potpunjenih 1596 upitnika, muških ispitanika je bilo 792 (49,87 %), a ženskih 804 (50,23%)
- **Starosna dob ispitanika:** Od potpunjenih 1596 upitnika njih 39 (2,44%) su ispod 16 godina, 233 (14,59%) ispitanika je između 16 – 18 godina, 1162 (72,80%) ispitanika su između 18 – 30 godina, 162 (10,17%) ispitanika imaju preko 30 godina
- **Status ispitanika:** Od potpunjenih 1596 upitnika njih 535 (33,52%) su srednješkolci, 312 (19,54%) su studenti, 444 (27,81%) su nezaposleni, 288 (18,04%) su zaposleni, i ostalih je 17 (1,9%)
- **Da li si glasao na prethodnim lokalnim izborima:** 407 (52,25%) ispitanika je odgovorilo sa DA, 373 (47,75%) je odgovorilo sa NE
- **Na pitanje „Da li znaš koja je politička opcija na vlasti u tvojoj opštini“:** 521 (32,65%) ispitanika je odgovorilo da ne zna, 1075 (67,35%) je odgovorilo da zna
- **Na pitanje „Kako se lokalne vlasti odnose prema mladima“:** 1176 (73,68%) je odgovorilo da su mladi prepušteni sami sebi, 84 (5,26%) ispitanika je odgovorilo da se lokalne vlasti brinu i redovno prate potrebe mladih, 336 ispitanika (21,06%) je odgovorilo da ne zna.
- **Na pitanje „Koji su po tebi najveći problemi sa kojima se susreću mladi u tvojoj lokalnoj zajednici“:** njih 1417 (88,78%) je navelo nezaposlenost, 338 (21,17%) vršnjačka delikvencija, 417 (26,12) narkomanija, 529 (33,14%) alkoholizam, 212 (13,28%) nacionalizam, 469 (29,38%) izoliranost, 758 (47,49%) nedostatak omladinskih prostora
- **Na pitanje „Da li mladi u tvojoj lokalnoj zajednici mogu uticati na neke odluke lokalnih vlasti koje se tiču njih“:** 1286 (80,57%) ispitanika je odgovorilo NE, 310 (19,43%) ispitanika je odgovorilo sa DA
- **Na pitanje „Da li bi bolje organizovanje i veći broj omladinskih i nevladinih organizacija uticalo na poboljšanje položaja mladih u tvojoj lokalnoj zajednici i uspješnijoj saradnji sa lokalnim vlastima“:** 1021 (63%) ispitanika je odgovorilo sa DA, 174 (10,90%) ispitanika su odgovorila sa NE, 401 (25,13%) ispitanika je odgovorilo da ne zna
- **Na pitanje „Da ti se pruži prilika, da li bi se aktivno uključio/la u rješavanje nekog od problema u svojoj lokalnoj zajednici“:** 1310 (82,08%) ispitanika je odgovorilo DA, 286 (17,92%) ispitanika je odgovorilo sa NE

## **Zaključci:**

- **Polna struktura je bila gotovo podjednaka za sve opštine;**
- **Starosna struktura su svim opštinama većinom je bila 18-30 godina;**
- **Većina ispitanih u opštinama u kojima je došlo do promjene vlasti bili su zaposleni i srednjoškolci, dok su u opštinama u kojima nije došlo do promjene vlasti ispitanici bili većinom srednjoškolci i studenti;**
- **Većina ispitanika izjasnila se da su glasali na prethodnim lokalnim izborima (51% u opštinama u kojim je došlo do promjene vlasti i 53% u opštinama u kojima nije došlo do promjene vlasti);**
- **Ispitanici većinom znaju koja je politička opcija/koalicija na vlasti u njihovoj opštini;**
- **U opštinama u kojima je došlo do promjene vlasti najmanji procenat je onih koji smatraju da će novoizabrana vlast biti bolja od prethodne. Većinom su odgovarali da od nove vlasti ne očekuju neke bitne promjene, odnosno da će nova vlast biti ista kao i prethodna;**
- **U opštinama u kojima nije došlo do promjene vlasti ispitanici su većinom odgovarali da su ostali na vlasti jer ostale stranke nisu ponudile kvalitetne programe kao i radi korištenja nacionalističke retorike tokom kampanje;**
- **Većina ispitanika je definisala nezaposlenost i nedostatak omladinskih prostora kao najveće probleme u svojim općinama;**
- **Velika većina ispitanika smatra da su mladi u njihovim sredinama prepušteni sami sebi tj. da je na sceni nebriga lokalnih vlasti prema mladima;**
- **U većini opština ispitanici ne znaju da li u njihovim opštinama postoji služba koja se bavi pitanjem mladih;**
- **Velika većina ispitanika u svim općinama je odgovorila da mladi ne mogu uticati na bilo koje odluke lokalnih vlasti koji se tiču njih;**
- **Na osnovu većine odgovora ispitanika, prioriteti za rješavanje problema u lokalnim zajednicama su: zaposlenje i više prostora za rad i aktivnost mladih;**
- **Velika većina ispitanika u svim opštinama je sigurna da bi veći broj omladinskih i nevladinih organizacija uticalo na poboljšanje kvaliteta života mladih i boljoj saradnji sa vlastima;**
- **Velika većina ispitanika u svim opštinama je iskazala interes, ukoliko bi im se pružila prilika, za aktivnim rješavanjem nekih od problema u lokalnoj zajednici;**
- **Neki od načina bolje saradnje mladih sa lokalnim vlastima, a koje su ispitanici definisali: javne tribine, dijalog, zajednički projekti i sl.;**

- **Velika većina ispitanika odgovorila je da nikada nisu imali prilike da učestvuju i budu dio nekih od aktivnosti nevladinih organizacija, a mali procenat je onih koji su učestvovali u istim (većinom su radili na nekim od humanitarnih akcija, akcijama čišćenja i volontiranjem).**

## O Omladinskom Resursnom Centru



Odluka za osnivanjem i registracijom jednog ovakvog centra proizašla je na osnovu izraženih potreba mladih. Naime, većina omladinskih nevladinih organizacija u BiH dosada je radila uz pomoć međunarodnih organizacija/institucija, ali takva pomoć sve više slabi i omladinske organizacije su prepuštene same sebi. Većina njih se ne snalazi u takvim situacijama i veoma brzo prestaju sa radom. Ovo se posebno odnosi na omladinske organizacije u manjim mjestima u BiH, koji bez adekvatne pomoći nisu u mogućnosti zadovoljiti osnovne potrebe mladih. Uzimajući u obzir ovakvu situaciju i ovakve probleme odlučili smo osnovati Omladinski Resursni Centar (ORC) Tuzla koji bi na adekvatan način pružio podršku i pomoć svim omladinskim organizacijama koje bi naišle na probleme u svom radu.

U Januaru 2004. godine održana je osnivačka skupština Omladinskog Resursnog Centra (ORC) Tuzla koji je registrovan i počeo sa radom.

### **Misija:**

Omladinski Resursni Centar (ORC) Tuzla pomaže u radu omladinskim organizacijama i pojedincima, posebno onima koji djeluju u manjim i "zatvorenim" lokalnim zajednicama u Bosni i Hercegovini.

### **Ciljevi ORC-a Tuzla:**

1. osnaživanje i jačanje omladinskog sektora u BiH
2. osnaživanje i jačanje kapaciteta i resursa omladinskih organizacija i neformalnih grupa mladih posebno u malim sredinama
3. praćenje, podsticanje i jačanje rada mladih i omladinskih organizacija
4. podsticanje i jačanje saradnje između omladinskih organizacija, na lokalnom, nacionalnom i regionalnom nivou
5. prikupljanje i stvaranje baze podataka o omladinskim organizacijama, njihovim aktivnostima i radu
6. izgradnja saradnje između omladinskih organizacija i vlasti na svim nivoima
7. pokretanje procesa institucionalizacije omladinskog sektora u BiH
8. pružanje stručne i logističke pomoći i podrške omladinskim organizacijama u radu, posebno organizacijama u osnivanju
9. uspostavljanje i stvaranje bolje komunikacije i bržeg protoka informacija među omladinskim organizacijama
10. povezivanje i saradnja sa omladinskim organizacijama regije, Evrope i svijeta
11. unapređivanje i razvijanje djelatnosti i rada omladinskih organizacija, prema evropskim standardima
12. uspostavljanje i ostvarivanje saradnje sa drugim srodnim asocijacijama u zemlji i inostranstvu
13. ostvarivanje drugih zajedničkih interesa mladih i omladinskih organizacija.

**Adresa:**

ORC Tuzla  
Hadži Bakirbega Tuzlića 1,  
75000 TUZLA, BiH  
Tel/Fax: ++387 (0)35 258 077  
e-mail: orctuzla@bih.net.ba

**Kontakt osobe:**

Miralem Tursinović - Direktor organizacije  
Mirjana Stamenković - Tursinović – program menadžer  
Boško Vlajić – program menadžer  
Maja Vlajić - program asistent  
Slobodan Blagovčanin - program asistent

**Analiza ankete „Mladi mogu izgraditi bolje društvo“**

**Izdavač:** Omladinski Resursni Centar (Tuzla)  
Hadži Bakirbega Tuzlića 1, 7500 Tuzla, BiH

**Za izdavača:** Miralem Tursinović

**Prikupljanje podataka**

**na terenu:** Boško Nikolić, Milivoje Lujić, Marijana Milošević, Jovanka Patković, Amar Bulić, Haris Halilović, Asija Mustedanagić, Samir Halilović, Lejla Šehić, Uzeir Šehić, Vladimir Gatarić, Dušan Grubač, Mia Dejanović, San Makarević, Elvira Ćosić, Vedran Kuljanin

**Unos i obrada podataka:** Maja Vlajić i Emir Sejranić

**Izrada analize:** Emir Sejranić

**Tiraž:** 200

**Tuzla, april 2013 godine**

**Mišljenja iznesena u ovoj publikaciji ne predstavljaju mišljenja Balkan Trust for Democracy, the German Marshall Fund of the United States, ili njihovih partnera.**